

Presentada

MARTINO CONTU
Presidenti de su Centro Studi SEA

Su numuru tres de «Ammentu» arricit quatturu Focus. Su primu, *Emigrazione spagnola negli anni del franchismo ed esilio antifascista* (Emigrazioni spagnola in is annus de su franchismu e disterru antifascista), appariciu de Martini Contu, accollit dus studius apizzus s'emigrazioni spagnola in Europa e in Argentina in is annus de su franchismu; un articulu apizzus s'emigrazioni de Parma dirigia in Franza e apizzus sa partecipazioni de is disterraus de sa provincia de Parma a sa gherra de Spannia; in prus is traballus chi serrant su Focus, dedicaus a duas personis de s'antifascismu italianu, s'anarchicu de Savona Umberto Mazzocchi e su scultori sardu Antine Nivola. Su primu emigrau in Franza e de su 1936 in Spannia po cumbatti a su costau de is forzas republicanas de sa Colonna italiana de "Francisco Ascaso"; su sigundu si fut spostau, cun sa mulleri ebrea, in is Stadus Unius de America apustis passaus unus cantus annus a Parigi.

Sighit su Focus *Emigrazione balearica in Algeria, Assistenza agli emigrati sardi e Turismo della memoria in Brasile* (Emigrazione balearica in Algeria. Assistenza a is emigraus sardus e Turismu de is arregordus in Brasile), appariciu de Maria Luisa Gentileschi, dedicau siat a su studiu de is paperis archivisticus apizzus s'emigrazioni de s'isula de Ibiza a s'Alegria in is annus Trinta de su Noixentus e s'attitudadi de assistenza a is emigraus sardus de is annus adusti s'urtima gherra mondiali, svolgia de su Centru Regionali de Assistenza Immigraus Emigrau Sardus (Craies), siat a s'esamini de una forma speciali de turismu de is arregordus sviluppau de pagu in Brasile: s'avvisita de italianus in cussu Paisu mannu latinuamericanu in circa de is arrexinis de is paisanus inzoru emigraus in is seculus XIX e XX. Una presentada po su turista italianu de meseus, logus de ammentus e archivius - aundi mancai circa is arrastus de famillias italianas chi diventat prus arta e sviluppada in is logus de prus forti immigrazioni italiana, de São Paulo e biddas prus piticas de is stadus de su Sud.

Su Focus numuru tre, *Consoli italiani e stranieri in Stati e Città del Mediterraneo, in Portogallo e nelle Americhe in età moderna e contemporanea* (Consulus italianus e furisteris in is Stadus e zittadis de su Mediterraneu, in su Portugallu e in is Americas in s'edadi de mesu e is tempus de oi), appariciu de Nunziatella Alessandrini, ponit in claru s'attitudadi consulari, a s'accabu de su Cincucentus fatta de su consulu-negozianti venezianu in Lisbona, Giuanni dall'Olmo; chistionat de s'attitudadi de is consulus inglesus in Sardigna intra su Settcentus e s'Ottucentus e cun brevedadi isplikat sa vida de consulus italianus chi si funt imprestaus in is annus de cambiamentu chi handant de su rennu de Sardigna a su rennu de Italia, a Malta, Lione, Tunisi, Napoli, Lisbona, Sète, Zara, e in su continenti americanu, in su Perù e in USA. Sighint unu traballu de l'Archivo Histórico Diplomático de Monetevideo apizzus de s'attitudadi de is consulus de Santu Marinu in Uruguay e de is consulus uruguayanus in sa Repubblica de su monti Titanu e un articulus apizzus de is Pernis, una famiglia de impresarius de Casteddu, chi beniant de sa Svizzera, chi hat eserciatu su rolu consulari po tres generacionis de s'Ottucentus a su Noicentus.

S'urtimu Focus, *Miniere e attività estrattiva in Sardegna nel XX secolo* (Minas e attitudadi de scavu in Sardigna in su Noicentus), appariciu de Giampaulu Atzei, si presentat comentu un'acciunta a is studius de sa prima e prus importanti industria sviluppada in s'isula a cumenzai de s'Ottucentus. Su Focus s'oberit cun d'unu studiu

apizzus de sa politica e sa sociedadadi in sa Sardigna mineraria de su Noicentus finzas a profundai apustis certus argumentus ligaus a su sfruttamentu de s'aqua callenti in is termas de Sardara, a s'attividadi de scavu de sa mina de Rosas in s'Iglesienti, a is problemas de sa siguranza e disgrazias in su traballu in sa mina de prumu e zincu de Montibecciu. Atrus articulus donant attenzioni a su studiu de su giornali «Il minatore» de sa direzioni de sa mina de Gennamari-Ingurto, publicau in is annus 1927-29, e a sa lotta sindacali de sa zona mineraria de su Sulcis-Iglesienti de is annus apustis s'urtima gherra finzas a is annus 70, candu heus bistu abellu abellu s'acabada de tottus is scavus finzas a arribai ancora apoi a serrai agiumai in tottu is minas in Sardigna.